

SUNDAY BIBLE SCHOOL TEACHER'S ONE DAY SEMINAR – 2017

Organized by – Education Department (TBAI)

Topic : “Sunday Bible School Kibollona leh Aphatchomna”

Amun : Monglenphai C/C (TBA-I)

Date : 18/03/17 (Saturday)

By : Mr. Kamneo Sitlhou

Thumakai : Reformation phatlai ja kipatna Christiante houlam dolla kichuhna mun apoimo pen khat chu Sunday school ahi. Hiche Sunday School hin lampi tampin houbung sunga Pathen thu lam a kihil na, chuleh ahideh in chapang ho houthulam in akhantou sah in ahi. Sunday School ahung kipat na mun hi England gam Gloucester, kiti munna hi Robert Raikes kiti pa hin 1780 kumma ahin pat ahitai. Hiti hin vannoi ja tuni chan na Christian ten iche pi jing khat u chu ahin ahi. Hijeh hin eihon jong tuni channa iche pi jing u Sunday Bible School itiu hi aki bollona leh aphatchomna phabep ana veo hite.

1. Akibollona ajeh pipen hi houthu lamdolla kizilna/ kihil na ding ahi :

- i. **Pathen thu khumpeh ding/hilding** : Ajeh pentah vang hi houbung mi jouse hi Pathen thu ahina bang tah a hil a, alungsung uva khum peh ding, chuti leh Pakai chu ahi na bang tah a hetchet na le muchet na anei thei diu ahi.
- ii. **Zalhang hinkho a kingailutna, hepina, chuleh khotona aumthei na ding** : Hiche hi Sunday Bible School in atup le adoi khat chu ahi kit in ahi. Hiche a hi mipi jouse numei, pasal, chuleh chapang ho aboncha eima umna zalhang hinkho a mopohna leh thil ho het them thei na ding ahi. Hiche hin zalhang hinkho channa mipi ho khat le khat ki khotona le hepina, kingailutna, chuleh kiguijop na nei ja lung kitoh tah a tohkhom thei na aso sah in ahi.
- iii. **Hinkho chingtah le dihtah a manthei na ding** : Changval mihem khat chu a lenkhom pi thil ho jouse chung in lungput pha/dih asemдох peh in, chujong leh Pathen lunglam chu ipi ham ti ako mu peh in ahi.
- iv. **Christa nungjui dihtah khat umchan semдох nading** : Mihem khat chu nitinna Christa a dinga lhagao theng thanei naleh Pathen thu toh kitoh a ahin jing thei na ding ahi. Chuleh nitinna lhagao lam hinkho chu chonchan a pohдох a Pathen ang nga kipeh lut jing theina leh ikimvel a ilenkhom pi miho aphotchenna musah jing theina eipe thei chu ahi.

2. Sunday Bible School aphatchomna :

- i. **Pathen thu ahina dingdol tah a hil na apen ahi** : Thusei bou seh hi alhing jou pon ahi. Pulpit chung a thusei seh seh hilou va, mipi jouse hop a (akum dungjui ja) Pathen thu theng ahina dingdol tah a hilna apen ahi (Acts 5:42). Hiti a ahina dingdol tah a mi ho akihil teng le hin ama ding dol cheh a Pathen thu hetna le mudoh thei na anei jin, hiteng tah le hin mikhat ahina dol cheh in lhagaolam thudol in angaichat a subulhit jin ahi.

- ii. **Mihem akum dungjui cheh in khantouna apei (Deut. 3:12)** : Vetsah nan chapang kumli bep khat chun Bible thu dihtah chu, thusimma kisei, action a kibol, a milim a vetsah, laa cheng a sah tho, chuleh nu le pa aja ding dan hilna akonnin amudoh thei jin ahi. Hibang ma chun mipi lhing khat chun Pathen atahsan na thudol toh nitinna hinkho a boina le hahsat na ho toh kitoh a Pathen thulam dolla kihoulimna aneithej jin, chuleh tahsan phudet nan jong Pathen thu kihil hi anei jin ahi.
- iii. **Milham khat chu lamkai/mopoh na neithej dinmun in asemdoh in ahi** : Milham khat chun Pathen thu mi ahil tengleh Bible ha simin asimin kigotna nasatah anei tei jin ahi. Hichun ahilpa ti akihil ho ti Bible hetbe na leh Pathen thu lamma khanna apen, tu ati tengleh phatche dungjui jin lamkai thei themna changeijin phatchomna aneitheijin ahi.

Thu khumkhana : Chunga hungki sei cheng hi seiding aphacom tamjong leh tu tadi a eiho dinga gah hetlouva khoh le phachom inte tia hung ki gel le ngaito cheng ahin ahi. Tulai vannoi leiset pumpi ahi deh aeihoh lah a jong mitam pin angaichat na ahi na dingbang tah a kibol joulou chu hiche Sunday Bible School hi ahi. Chuti ahi jeh chun sopi te ho Sunday Bible School kibollona leh aphatchomna themkhat ehin seinah va hin lunggil tah in gel naleh ngaito na nei utin Christa nungjui ihi nao dihtah chu ahung doh thei na ding in pan la pan tao te tin iki tem uvin ahi.

